

OKÉ TAKE AWAY

**NOS SPECIAL
DEC. 8
PAG 4**

746-3571



**BRIYANDO FUERTE • TRECIENDO CLARIDAD
DIABIerna 8 DECEMBER 2023**

**UNESCO-ARUBA DI
BISHITA NA HULANDA
DEN CUADRO DI
E PROGRAMA DI
EDUCACION DI
CULTURA Y ARTE**



WWW.SOLODIPUEBLO.COM




SOLODIPUEBLO@GMAIL.COM

CASO DI POLIS VOS TA BOLBE CORTE AWE 8 DI DECEMBER



PATRICK PASKEL ATROBE CU NOTICIA FALSO CONTRA MINISTER URSEL ARENDS



VENEZUELA A CRITICA CU GUYANA A PERMITI PRESENCIA DI COMANDO SUR DI MERCA NA ESEQUIBO



**2 HOBEN DETENI
DESPUES DI A
BRINGA CU OTRO
DEN BUS CU
PASAHERONAN
ADEN LAGANDO
E BUS SUSHA NA
SANGER**



AUTO A DAL UN MUCHA CU TABATA CRUSANDO CAMINDA NA SABANA BASORA



**ARUBA TABATA SEDE
PA E EXPERTONAN DI
CARIBE TRATA INTEGRIDAD
FINANCIERO DEN NOS
REGION DEN E 57 REUNION
PLENARIO DI CFATF**

Minister di Finansa ta informa:

ARUBA TABATA SEDE PA E EXPERTONAN DI CARIBE TRATA INTEGRIDAD FINANCIERO DEN NOS REGION DEN E 57 REUNION PLENARIO DI CFATF

E aña nos dilanti Aruba lo lidera CFATF

Siman pasa Aruba tabata sede pa e expertonan di Caribe discuti integridad financiero den nos region den e 57 Reunion Plenario di Caribbean Financial Accion Task Force (CFATF.) Un total di 279 delegado di 29 Pais miembro di CFATF tabata na Aruba pa e reunionnan cu a tuma luga na Hilton Hotel di diadomingo 25 di november te cu diabierna 1 di december. E Plenario di CFATF a conta tambe cu representantenan di Canada, Estados Unidos, Mexico, Spaña y Reino Uni. Aruba a yama bon bini tambe na oficialnan di e organisacion global Financial Accion Task Force (FATF), entre nan, sr. Jeremy Weil cu ta Vice Presidente di FATF, y tambe di ehectivonan di IMF, Banco Mundial, Unidad Regional di Recuperashon di Activo y Caricom IMPACS, como observadornan di e reunionnan plenario di CFATF. Di Aruba a participa un delegacion di 19 funcionario di, entre otro, Banco Central, Financial Intelligence Unit di Aruba y Ministerio Publico.

CFATF tin dos reunion plenario pa aña pa discuti, entre otro, e status di varios proyecto cu ta wordo ehecuta pa diferente grupo di trabou, y pa duna

miembronan un update tocante e desaroyonan mas recien relaciona na e recomendacionnan di FATF pa preveni y combati labamento di placa, financiamiento di terrorismo y proliferacion di arma di destruccion masivo. Dos punto di agenda principal cu a wordo trata na e reunion plenario na Aruba, tabata e raportnan final di Evaluacion Mutuo di British Virgin Islands y di Saint Vincent and The Grenadines. Tur dos raport a wordo aproba pa e reunion plenario di CFATF.

E reunionnan na Aruba a wordo lidera pa e actual presidente di CFATF cu ta Procurador General di Cayman Islands, Sr. Samuel Bulgin. Aruba ta e vice-presidente di CFATF y e Director di Financial Intelligence Unit (FIU) di Aruba, drs. Angelo Brete ta asumi e responsabilidad aki pa nos Pais. Ta un custumber cu e pais cu ta tuma e presidencia di e organisacion pa e aña siguiente semper ta anfitrión di e reunionnan den luna di november. Pa e motibo aki tambe Aruba tabata cede di e reunion Plenario di CFAFT ya cu proximamente sr. Angelo Brete lo fungi como presidente di CFATF.

Enbista di e topiconan cu a wordo trata, tur

e reunionan tabata accesibel solamente pa miembronan di CFATF y nan invitadonan. Asina mes Gobierno di Aruba a percura pa e participantenan por a goza di e hospitalidad di nos Pais. Minister di Husticia di Aruba a ofrece un recepcion pa yama tur delegado bon bini dialuna anochi rond di e piscina di Hilton Hotel. Diaranson mainta, Minister President a declara e reunionan oficialmente habri den presencia di Gobernador di Aruba, funcionarionan di CFATF, hefenan di departamento di e Ministerio di Finansa, representantenan di sector priva y e delegadonan. Diaranson anochi, Minister President a ofrece un recepcion pa e hefenan di cada delegacion na Museo Archeologico di Aruba. Finalmente, Minister di Finansa y Cultura a organisa un anochi cultural pa henter e grupo cu a bishita Aruba, pa nan por a tuma un 'break' di nan trabou y cera conoci cu e cultura di Aruba.

Nos por mira bek riba un siman exitoso di reunion Plenario di CFAFT danki na e esfuersonan haci pa e secretariado di CFATF y e team di Aruba lidera pa sr. Angelo Brete di FIU cu a percura pa e bon organisacion.



PATRICK PASKEL ATROBE CU NOTICIA FALSO CONTRA MINISTER URSEL ARENDS

Den su ultimo programa comico, Patrick Paskel kier crea duda atrobe riba e integridad di Minister Ussel Arends, acusando e minister di un conflicto di interes den su ministerio. Sinembargo, un analisis rapido ta revela e falsedad di e noticia aki y ta lanta preguntanan tocante e etica periodístico di Paskel.

Acusacionnan Falso:

Paskel su afirmacionnan ta draai rond di e pareha Parris, señalando cu ambos tin contrato laboral cu e ministerio di Arends. Su ponencia ta falso! Eddy Parris ta traha na Departamento di Finanzas y ta asisti tur ministr y na ministerio di Arends, solamente ora tin nesesidad pa arende e tema dibpresupuesto di pais, mientras su esposa ta encarga cu administration di presupuesto di

ministerio di Arends, sin conflicto di interes evidente.

Historia Di Noticia Falso: E caso aki no ta isola; Paskel tin un historia largo di fabrica y trece noticia falso, siendo e mas reciente cu e Minister di Husticia unda hues a ordene pa rectifica. E patronchinan aki ta confirma e credibilidad mediocre di nan noticianan.

Contesta Di Minister Arends:

Arends ta denuncia e accionnan di Paskel motiva pa crea odio den e comunidad. Ta remarcabel e comentarionan difamatorio riba varios miembro di Partido Raiz e.o. Parlamentario Misha Raymond. Patrick Paskel a lastra Misha na e forma di mas baho cu tin, pues ta hasi obvio cu Patrick no tin etica periodistico, pero ta just uh spreekbuis di Mike

Eman y Avp.

Coneccion cu Mike Eman:

Paskel su relacion cu ex promer minister Mike Eman ta uno remarcabel. Eman y Paskel tabata socio y of a traha hunto den ATV15. Eman, den e periodo 2010-2017, a beneficia Paskel cu tur sorto di acuerdonan gubernamental. Paskel a cobra 10 miyon florin for di tur compania di gobierno y for di varios ministerio.

Motivacion Di Paskel:

Paskel su deseo pa e partido AVP bolbe na poder, cual ta pone luz riba su motivacion economico. Den sombra di e corrupcion



di pasado, su actonan ta lanta preguntanan riba su rol den e panorama politico actual. Su unico obhetivo ta pa crea odio y spera cu esey lo traduci den voto. Kisas nan no a analisa cu nan sistema di crea odio no a funciona na 2021?


Conclusion

E historia di Patrick Paskel y su acusacionnan sin base ta enfatisa e importancia di e necesidad un periodismo pa analisa e motivacionnan tras di e actitud aki. E comunidad merece informacion berdadero y responsabel, leu for di agenda politico personal.

BAZAR DI PASCO



Diabierna awor, dia 8 di december biblioteca ta crea un ambiente di Pasco cu un Bazar Navideño. Durante e Bazar ta bende cuminda y snacks tradicional di Pasco. Sigur no por falta e entretenimento durante e anochi. Tin un show cu ta cuminsa pa 6 or di atardi cu Sonido di antaño, Stephany Quandt, Grupo di Baile y Ivy y su grupo. Nos ta invita comunidad pasa un rato ameno den ambiente di Pasco na biblioteca. E actividad ta cuminsa 5 or y ta sigui te 9or y mey di anochi. Un invitacion ta bay pa tur.



we are

Looking for

candidates for the position of:

Property, Facility & Asset Manager

The Property, Facility & Asset Manager (PFAM) is responsible for amongst others managing the overall maintenance and upkeep of the port's infrastructure and assets to the highest standards. Furthermore, related project supervision, coordination, and successful project execution fall under the scope of the PFAM.

FOR MORE INFORMATION REGARDING THIS POSITION AND HOW TO APPLY, PLEASE VISIT OUR WEBSITE WWW.ARUBAPORTS.COM OR FACEBOOK PAGE: [ARUBA PORTS AUTHORITY N.V.](#)

UNESCO-ARUBA DI BISHITA NA HULANDA DEN CUADRO DI E PROGRAMA DI EDUCACION DI CULTURA Y ARTE



Den cuadro di Educacion cultural, participacion y accesibilidad na arte y cultura, LKCA (Landelijk Kennisinstituut Cultuureducatie en Amateurkunst) hunto cu OCenW (Ministerio di Enseñansa, Cultura y Ciencia di Hulanda) a invita tur miembro di Grupo di Trabou pa Educacion di Cultura y Arte den Reino Hulandes, pa participa na un siman di trabou di orientacion na Hulanda. Ruby Eckmeyer kende ta especialista di cultura na secretariado di UNESCO-Aruba y tambe presidente di e Grupo di Trabou aki, hunto cu Dyantha Maduro, docente di baile na IPA y miembro di Comision Nacional di Cultura y Arte di Aruba, a representa Aruba. FCP (Fonds voor Cultuur Participatie) a subsidia e siman di orientacion aki pa representante di tur e islanan di Caribe Hulandes por a participa. Na Hulanda e Centro di Conocimiento LKCA tin mas di 20 aña di experiencia trahando tanto cu scol como cu

organizacionnan no-Gubernamental (NGO's) mientras cu LKCA tambe ta forma parti di e Grupo di Trabou di Educacion di Cultura y Arte. LKCA tin como meta pa sostene tur loke ta educacion cultural, participacion na tur loke ta cultura y arte y pa haci organizacionnan cultural y di arte mas accesibel pa publico. E Grupo di Trabou a participa tambe na un conferencia 'Cultuur met Kwaliteit - CmK', cu FCP hunto cu LKCA a organisa, pa tur persona di contacto entre un scol y un organizacion cultural na Hulanda, e asina yama CmK-er. Na e conferencia aki representantenan di Aruba, hunto cu representantenan di Sint Maarten a duna un presentacion. UNESCO-Aruba a duna informacion riba e Programa y Framework di Culture and Arts Education (CAE) di UNESCO. Sint Maarten a duna informacion riba tur loke nan ta haci na Sint Maarten den cuadro di educacion di cultura y arte riba nivel di educacion no-formal.

Na e prome Conferencia Intergubernamental cu UNESCO a organisa na 1998, pa haci un peticion na henter mundo pa formula maneho di cultura pa nan país, UNESCO a pidi tambe pa reconoce cultura y arte como un dimension fundamental di educacion. Na e di dos conferencia MONDIACULT, a haci un peticion na tur pais-miembro pa duna educacion cultural riba nivel di e educacion formal, no-formal y informal. Educacion formal ta tur loke ta tuma lug den scol, educacion no-formal

ta loke ta tuma lug pafo di scol organisa pa un instancia of institucion, y educacion informal ta loke ta tuma lug entre otro den famia, na cas, riba caya etc. Na 2006 y 2010 UNESCO a organisa un Conferencia Mundial di Educacion di Arte y na 2011 UNESCO a proclama un siman den luna di mei como e Siman Internacional di Educacion di Arte. Actualmente UNESCO ta reformulando e Framework di Educacion di Cultura y Arte (CAE), basa riba varios consulta cu nan a tene rond mundo. UNESCO-Aruba a participa den e consulta di Region Caribe y e consulta Internacional cu Comisionnan Nacional pa UNESCO. Riba nivel di Reino Hulandes, desde 2021 e Ministernan di e paisnan Aruba, Corsou, Sint Maarten y Hulanda a forma e Grupo di Trabou pa Educacion di Cultura y Arte (CAE). Regularmente e representante di e 4 paisnan hunto cu e

islanan di Boneiro, Saba y Sint Eustatius ta reuni online, pa asina palabra con lo bay traha hunto riba nivel di Educacion di Cultura y Arte den tur e comunidadnan cu ta forma parti di Reino Hulandes. Desaroyo di Educacion di Cultura y Arte ta forma parti importante di e desaroyo di un ser humano, na su bienestar personal y den su bida diario. Pa e motibo aki ta importante pa crea un infraestructura pa Educacion di Cultura y Arte, cu ta duradero pa nos futuro generacionnan. Representante di e paisnan Aruba, Corsou, Sint Maarten y Hulanda, hunto cu representante di e islanan Boneiro, Saba y Sint Eustatius Dyantha Maduro, docente di baile na IPA y Ruby Eckmeyer, especialista di cultura na Secretariado di UNESCO-Aruba, a representa Aruba na e Conferencia 'Cultura y Calidad'.



Corte di Prome Instancia 8 december 2023

Horario	Sospechoso	Acto Castigabel
08.30	R.M.V.	V. ta wordo acusa di, den e periodo di prome di januari 2018 te 22 di maart 2023, apropiacion ilicito intencional di portofoonnan y/of cargadornan, di viola secretonan cu e tabata obliga pa tene como agente policial, di tuma regalonan of promesanan y di participacion na un organizacion criminal.

MINISTER THIJSSEN A ASISTI NA E CONFERENCIA DI CARAN

Den Haag – Minister Plenipotenciario mr. Ady Thijsen a asisti na e di 9 Conferencia di CARAN cu a tuma lugar na Aruba. Durante di e ceremonia di apertura den aula di Universidad di Aruba (UA) Eric Mijts, senior coordinador di e Facultad Sistem di UA, a haci entrega na Minister Thijsen un buki na ocasion di e di 6 Conferencia di CARAN.

E ceremonia a cuminsa cu un charla di professor dr. Geert Beulens di Universidad di Utrecht.

CARAN ta e Asociacion Caribeense riba Hulandes. CARAN su meta desde 2011 ta pa forma un brug entre academiconan na e diferente paisnan Caribeense unda Hulandes ta hunga un rol. Tambe tin intercambio entre academiconan

Caribense y di Hulanda riba diferente tema di interes comun.

Cada dos aña CARAN ta organisa un conferencia cu rotativo ta tuma lugar na Aruba, Curaçao o Surnam.

Nota pa redaccion: E potretnan ta cortesía di Arubahuis



CASO DI POLIS VOS TA BOLBE CORTE DIA 8 DI DECEMBER

Den un investigacion haci dor di polisnan Hulandes, e caso conoci como “Caso di polis Vos” ta bolbe den atencion publico dia 8 di december, revelando un panorama di soborno y corrupcion entre polis y medionan di comunicacion.

E caso ta trata di acusacionnan di soborno na agente di polis pa facilita conexcion di radio di prensa na e red di radio di polis. Un grupo spesial prominente di polis hulandes a hasi y guia e investigacion, cu a dal un buelta importante riba 22 di maart 2023 cu e detencion di un oficial di polis di rango halto, polis Vos.

Durante e buskeda na e residencia di Vos, autoridadnan a descubri un serie di aparato electronico y laptop perteneciendo na periodistanan, conecta na un red di prensa extenso. Entre e sospechosonan ta cinco reporteronan, incluyendo e principal Nelson Speed Andrade y Brian Koolman di 24ora, kendenan recientemente a



wordo interroga pa e hues comisario.

Ministerio Publico ta sostiene cu reporteronan tabata soborna e polis pa haña acceso privilegia na combersacionnan confidencial, revelando un skema di corrupcion cu a sacudi e fundeshi di integridad den medionan di comunicacion y aplicacion di ley.

E fecha clave di 8 di december ta marca e presentacion oficial di e caso dilanti di e hues penal di promer instancia. E desicion cu resulta di e caso lo determina si e polis Vos, lo keda liber of lo keda

den prizon. Fuentenan ta indica cu e prolongacion di detencion pa nueve luna ta sugeri e magnitud y seriedad di e caso.

SOLO DI PUEBLO lo sigui informa segun ora e desaroyonan den e caso scandaloso di corrupcion keda presenta dilanti hues, unda lo por sali hopi informacion di e caso.

Mester remarca cu segun fuentenan a informa, durante interrogacion cu a tuma lugar, varios sospechoso a keda sin contesta preguntanan di husticia of a contesta masha tiki.

TABLE OF RATES

Effective Date
NOVEMBER 1, 2023
and until further notice.

Savings Accounts

Personal Savings FLORIN	0.75% p.a.
e-Savings FLORIN	0.75% p.a.
Non-personal Savings FLORIN	0.75% p.a.
Personal Savings U.S. DOLLAR	0.60% p.a.
Youth Savings Plan FLORIN	3.00% p.a.

The relationship between Caribbean Mercantile Bank N.V. and its customers is governed by the bank's "General Conditions".



cmbnv.com



HELICOPTER DI POLIS A NOTA 3 JEEP CORIENDO SIN LUS PATRAS DI DAIMARI Y A MANDA PATRUYA PA NAN



Diaranson anochi hopi laat e helicopter di polis durante patruya a nota 3 vehiculo sospechoso coriendo cu lus paga den e area patras di Daimari, mesora a keda vigila nan movicion pero alabes a notifica varios patruya pa mobilisa nan mes pa e area di Daimari. Minuciosamente a sigi

vigila nan te ora nan a yega na un adres eybanda.

Na yegada di e patruya a bin compronde cu aki ta trata di un grupo di hoben cu a bay pa busca un Jeep di nan cu lo a dañá y nan a bay tow esaki trese bek na e cas.

Polis a controla e 3 jeepnan

aki ningun di nan tabata tin nan papel na ordo y hasta un di nan no tin plachi number mes. Polis tabata di bay conisca tur 3 vehiculo pero como cu no tin lugar pa pone esakinan na warda polis a hala nan atencion severamente ya cu no por core cu auto sin papelnan na ordo.

2 HOBEN DETENI DESPUES DI A BRINGA CU OTRO DEN BUS CU PASAHERONAN ADEN LAGANDO E BUS SUSHA NA SANGER



Diahuebs mainta a drenta informe di un bringamento den un bus di Arubus den Caya Jose Geerman, mesora a dirigi patruyanan

na e sitio. Un oficial di e team di investigacion tecnico y forensico pa casualidad tabata su tras y a baha atende cu e caso

mientras patruya tabata na caminda.

E oficial a detene ambos hoben, na yegada di e patruya a tuma nan over. Aparentemente no ta prome biaha cu e mesun hobennan aki ta bringa cu otro.

Unda esun cu a subi na e ultimo parada a drenta y agredi e otro. E bus a keda poco sushi na sanger pero otro bus a pasa tuma e pasaheronan y a sigi cu nan mientras e bus sushi a bay garashi pa un limpieza.

TATA A YEGA CAS BURACHI, PLEITA CU YIU, YIU A PUSHE ELA CAY KAP CABES!



Diahuebs mainta a drenta informe di un caso cu hende herida na un cas na Palm Beach, mesora a dirigi tanto polis como ambulans na e sitio. Na yegada di e patruya a bin compronde cu e tata a yega cas burachi y a bay pleita cu su yiu y esaki a dal e un pusha, e tata a cay abao kap su cabes. Na yegada di e ambulans nan a atende e tata y como e kap tabata basta grandi mester a hib'e hospital.

Parlamentario Guedez-Erasmus a dirigi diferente pregunta na Minister Tjon:

TRAHANDO HUNTO TA LOGRA 'TACKLE' E PROBLEMA DI VIOLENCIA CONTRA HENDE MUHE Y MUCHA MUHE

, Aruba 7 December 2023: Actualmente ta den e di 16 dianan di e campaña di activismo contra violencia di hende muhe y mucha muhe. E campaña aki a inicia dia 25 di november dilanti di Bestuurskantoor.

Parlamentario di Fraccion di MEP, Darlaine Gomez-Erasmus tabata presente na e ceremonia di cendemento di luz oranje di e edificio di gobierno como muestra di sosten na e iniciativa aki caminda el a ricibi un documento cu puntonan di recomendacion pa loke ta trata eliminacion di violencia contra hende muhe.

Guedez-Erasmus a sigui bisa "mi a tuma e puntonan aki na serio y

mi a entrega e documento aki na Presidente di Parlamento, pa asina tur e otro parlamentarionan por a hay'e y ta na altura di e importancia di e puntonan di recomendacion aki ta encera". E parlamentario tambe a formula diferente pregunta pa Minister di Asuntonan Social y Husticia riba cual e kier haya contesta riba nan pa asina haya sa kico tur por wordo haci y duna na cada un su prioridad.

E preguntanan ta referi na data cu tin tocante e shelter, e parti di violencia domestico na Aruba y tambe violencia riba otro areanan. Tambe a puntra Minister Rocco Tjon su opinion riba entre otro Codigo di Proteccion, violencia familiar y e plannan pa aña

2024-2025, Guedez-Erasmus a indica. El a manda su preguntanan di biaha pasobra ta importante pa traha hunto, Parlamento y Gobierno di Aruba pa asina ta riba un liña y 'tackle' e problema aki den comunidad, di violencia contra hende muhe y mucha muhe. Esaki di e parti di ley y maneho. Pero tambe organisacionnan cu ta e wowo pa mira kico ta pasa den comunidad y tambe e pueblo di Aruba en general cu ta coopera y ta atento.

Darlaine Guedez-Erasmus su deseo ta pa haya e contestanan den un periodo corto pa asina bay over tambe pa yama un reunion di comision, cual e ta presidi, cu e 5 organisacionnan cu a entrega e



documento dia 25 di november pa asina nan duna un splicacion mas amplio riba cada recomendacion den e documento cu nan a entrega na su persona y cu el a comparti cu Parlamento di Aruba.

El a haci un peticion na comunidad pa sigui sostene e campaña aki ya cu esey lo yuda conscientisa e pueblo cu no por permiti violencia ni cerca hende muhe ni hende muhe.

Cas di Max
Mueble y mas

DECEMBER
Specials

**RIBA COMPRA DI UN CAMA
FULL • QUEEN • KING**

RICIBI GRATIS

**2X
QUEEN SIZE
PILLOWS**

ONLY VALID WITH
CASH & DEBIT CARD



TANTEN CU TIN DEN STOCK

**UN BAMBOO
SHEET SET
100%
ORGANIC**



Check nos riba
social media
like y follow

Orario: djaluna pa diabierna 9 - 6pm - Schotland str. 46 tel. 280-6080
• Warehouse Melveld 3A-1 tel. 582-1671 •



699-5511

ARUBA TAEKWONDO BOND A ENTREGA MINISTER ENDY CROES UN RECONOCIMIENTO PA SU APOYO Y CONTRIBUCION CU E FEDERACION

Masha pabien na tur atleta cu a participa den e campeonato di Taekwondo Aruba Open 2023.



Diasabra ultimo, Minister di Enseñansa y Deporte Endy Croes a atende e apertura di campeonato di Taekwondo Aruba Open 2023 organisa pa Aruba Taekwondo Bond (ARTBO). E campeonato deportivo a tuma luga

na Compleho Deportivo Simeon Antonio. Durante e ocasion aki, Minister Endy Croes a hiba palabra y entrega diferente premio na e ganadonan. Minister Endy Croes a ricibi un reconocimiento di ARTBO pa su contribucion y sosten

cu e federacion.

E campeonato tabata dividi den diferente categoria: infantil, cadet, hubenil y senior, cual a competi den modalidad di poomsae y combate kyorugui. Ademá, Taekwondo

Aruba Open 2023 a conta cu e ekipo di Mexico cu a bin Aruba pa participa den e campeonato.

Tambe mester remarca cu e aña aki, cinco atleta di ARTBO a ricibi un reconocimiento di Premio Excelencia den Deporte, esta Jaimar Chirinos, Aleysha Macea, Maelynn

Fradl, Julio Ramos y Jennifer Baez. Pa finalisa, Minister Endy Croes ta felicita presidente Sr. Moises Fernandez y ful e directiva di ARTBO cu a organisa e campeonato aki, alabes ta felicita tur atleta cu a participa y entrega nan alma y cuerpo durante e competencia.

Booshi Wever:

HUES A BAHÁ PISA RIBA MINISTER, MIENTRAS PARLAMENTO TA NA SOÑO KETO BAY! PAKICO??



E siman aki nos a tuma nota di un veredicto di hues na unda na un manera cla y raspa, de facto hues a duna nos rason cu pueblo di Aruba a cumpra un incenirator cu realmente ta un PORKERIA! Pa colmo nos a tuma nota di e hecho cu manera un ladron di anochi kier pasa compra di un otro PORKERIA pa asina drecha e PORKERIA

cu ta kibra y no ta funciona manera mester ta. Segun nos a compronde den e documentonan di e presupuesto supletorio, cu lo wordo trata otro siman dialuna, ta aparece compra di un otro PORKERIA!! Y esaki SIN cu Raad van Advies a duna su opinion al respecto! Y pa colmo por medio ATROBE "gesjoemel y foefjes"! Y esaki ta sosodoe bou nanishi di e MINISTERIO DI INTEGRIDAD, cu e siman aki ta pidi tur hende pa sigui nan COMPAS MORAL DI

INTEGRIDAD!

Cu e gobierno aki cueste loke cueste kier sconde e corrupcion aki y purba di e normalisa esaki, nos sa caba! E pregunta cardinal ta: DICON PARLAMENTO TA KETO??

Ta hopi straño y ta hopi obvio tambe cu ora ta toca desicion cu ta wordo tuma riba tereno di desperdicio y medio ambiente cu ta perhudicando nos pueblo grandemente, nos Parlamento den su totalidad ta MUISSTIL!!

A cera dump, a aumenta e

tarifa pa recoge desperdicio, un incenirator cu no ta traha, a habri sluisnan y laga awa sushi drenta nos lama y awor kier cumpra un otro PORKERIA, y nos Parlamento a scohe pa keda keto, pakico, HUSH-MONEY??

Den varios articulon anterior nos a muestra riba tur e falta di INTEGRIDAD Y CORUPCION aki, cu e gobierno via nan "SPINDOCTORS" kier tapa y awor ta hayando ayudo di un Parlamento

cu ta parce cu ta complice den henter e asuntonan aki. Mientras tambe nos a muestra exactamente e mesun modus operandi di e gobierno anterior. Esta di NORMALISA e fechorianan aki. Nos lo sigui guli manda abow y laga gobierno y parlamento abusa di nos pueblo?

Ta basta! TA PUEBLO SO POR SCAPA E PUEBLO! Brazil, 6 di juli 2023 Candelario 'Booshi' Wever Miembro di UPP Brazil 163

VENEZUELA A CRITICA CU GUYANA A PERMITI PRESENCIA DI COMANDO SUR DI MERCA NA ESEQUIBO

Ehecutivo di presidente Nicolás Maduro a afirma cu e actitud imprudente di Georgetown ta habri porta pa e instalacion di base militar di e “potensia imperial” loke cu ta menasando e zona di pas cu a ser delineá den e region aki.

E Gobierno di Venezuela a critica e diaranzon cu Guyana a duna luz berde na presencia di Comando Sur di Merca na Esequibo-un teritorio di casi 160 mil kilometer cuadra den discucion pa ambos pais – despues cu presidente guyanese, Irfaan Ali, a adverti cu su nacion ta den contacto cu e comando militar norteamericano aki.

Den un comunicado, e Ehecutivo venezolano a condena declaracionnan reciente di Ali, kende a señala cu e forza di defensa di Guyana ta “den alerta maximo” y den contacto cu su homologonan militar di otro paisnan, incluyendo Comando Sur.

“Guyana ta ataca, den un forma preocupante e derecho internacional, realizando accionnan cu ta agrava e controversia territorial y cuta suma na su conducta ilegal di otorga derecho di explotacion di petroleo na ExxonMobil (americano) riba un lama pendiente di wordo asigna cu Venezuela”, el’a bisa.

Presencia di Comando Sur na Esequibo

El a reitera cu Georgetown ta mantene un ocupacion de facto” den e teritorio en cuestion y un controversia territorial cu Venezuela”, cu mester resolve via e Acuerdo di Ginebra di 1966, unico instrumento legal valido entre e partidonan.

Presidente Nicolás Maduro a lansa un plan di accion riba e teritorio, cu ta inclui otorgamento di licencia pa explotacion petrolero y a desplega militar na frontera cercano na



e area bao den discucion, sin anuncia, na e momento aki, un entrada den e zona.

E mandatario guyanese a bisa awe cu e plan di accion aki ta representa un menasa inminente pa e integridad territorial di su pais y paz mundial, pa cual el’a anuncia medidanan di cautela pa proteha e nacion.

E prome paso lo ta pa hiba e asunto aki na Consejo di Siguridad di Nacionnan uní pa e organisashon

aki tuma medidanan apropiá.

El’a indica tambe cu el a papia cu secretario general di ONU, António Guterres, y varios lider, pa alerta riba e sucesonan peligroso aki y e accionnan desespera di presidente Maduro.

Venezuela ta insisti cu e plan di accion aki ta segun e resultado di e referendum di diadomingo, cu a consulta e pueblo pa anexa e teritorio Esequibo na e mapa nacional.

SETAR TA INTRODUCI 2 CANAL NOBO CU CONTENIDO DI ESPAÑA!

Entrante 8 di december 2023, clientenan di Cable Digital, SETAR Complete y IPTV lo nota dos canal nobo riba nan television. SETAR ta lansa A3Series y A3Cine como extra contenido pa su usarionan di Cable prome cu fin di año. SETAR sa e importancia pa brinda contenido nobo pa su usarionan na cas cu gusta wak television.

E Canal Antena 3 ta lider di contenido na Spaña y ta ofrece e canalnan A3Series y A3Cine. SETAR

ta contento di por ofrece e canalnan aki riba su plataforma di SETAR Complete, IPTV y Cable Digital.

A3Series ta dedica na brinda entretenimento y serie original di Spaña, tur presenta den calidad HD 24 ora pa dia. E canal ta ofrece contenido pa tur gusto, edad y ta conta cu un variedad di genero cu ta inclui comedia, romance, drama, suspenso, historia y hopi mas.

A3Cine ta un canal di excelencia cinematografo Spaño. E canal ta conta cu un catalog di mas di 7000 titulo di pelicula pa e amantenan di cine. Un canal cu lo brinda e miho den cine mundial.

SETAR Complete y IPTV Clientenan cu servicio di Setar Complete y IPTV por mira e canal A3Series den HD na canal 73 y A3Cine na canal 74. Cable Digital Clientenan cu servicio di Cable Digital por mira



A3Series na canal 101 y HD na canal 361. A3Cine na canal 102 y HD na canal 362.

SETAR ta spera cu e canalnan nobo lo trece hopi entretenimento den

e hogarnan na Aruba. Pa mas informacion bishita nos website www.setar.aw of pagina social. SETAR ta sigui traha pa brinda nos cliente e miho servicio y experiencia.

Programma de Nieuwe Wereld:

EMAN DEN PLATAFORMA SOCIAL NACIONAL NA HULANDA

Lider di AVP, mr.Mike Eman tabata recientemente e invitado special di e filosofo, autor y productor di television Ad Verbrugge na Hulanda. Verbrugge tin un programa di hopi influencia den circulonan politico di Hulanda, loke a hacie extra interesante di e dedica tanto tempo na Mike Eman y Aruba. Durante un hora y cuarto e influente personahe aki a ilustra henter e historia di Aruba. Den esaki a resalta, mediante e splicacion di Mike Eman con grandi e forsa di e Rubiano ta di nunca no baha cabez, pero semper enfrenta cada contratiempo aunke con grandi esaki por ta. Eman ta relata, bayendo atras te na e epoca di Indjanan, cu a confronta tanto dureza den nan existencia y tog semper a logra tene nan cabez riba awa. Den

añanan 1840 muchanan a muri na cantidad door di un pesta, pero nan a bringe ! E característica special aki a persisti despues cu e Indjan a mescla cu e raza Europeo y a crea e Rubiano cu confianza propio, y a sigui cu asimilacion di otro generacionan di imigrante, un pueblo uni y cu un fuerza nacional impresionante, capaz pa bringa tur contratiempo. Esaki ta e razon y essencia di e buki nobo cu Mike Eman ta skirbiendo y cu lo sali proximamente riba mercado. Mike Eman a ilustra e historia di Aruba cu ta demostra con profundo e sentimiento di e Rubiano ta ora cu mester di cuida otro, aplicando asina e bon comun. Esaki ta e raiz di Aruba ! Aruba semper a lanta para den un unidad nacional, por ehempel ora di dialoga cu Hulanda. Awor nos ta

mira, cu den e ausencia di e forsa interno aki. Gobierno ta mira solamente entrada y salida di su caha, pero nada di e impacto social, cultural riba e comunidad. Turismo ta bayendo bon y e parametronan economico tambe por ta muestra bonita, pero si esey ta asina, wel den pueblo sigur e bonanza ey no a yega. Cada medida di gobierno a laga un impacto riba e bienestar di nos pueblo. Un pueblo cu ta mas pover cu nunca, caminda mayoran den mayoria di hogar mester busca 2 pa 3 trabao pa nan famia por sobrevivi. Pa colmo awor kier libera e leynan laboral y nos por spera atrobe trabaoan cu contractnan temporal. Ta bon cu nos no tin “season” sino nos hendenan lo ta na cas durante “off season”, ya cu e ley aki lo habri caminda pa



esey. E costo pa hasi negoshi ta haltisimo y tin comercio strangula, loke ta hasi imposibel pa nos hendenan por tin un entrada desente. Banda di e inflacion importa, gobierno a impone e schakel di BBO, cu ta hasi cu tur cos e bira mucho mas caro. Gobierno ta full desconecta di e realidad cu ta biba den su pueblo. Tin e economia, pero tin tambe e realidad y e realidad ey ta otro. Nan no ta coriendo parallel y gobiernu no kier busca un “helicopter view” pa confronta e realidad aki. Basta gobierno hanya mas entrada tur cos ta bon. E raiz historico di Aruba ta full kibra. Cualquier economia mester sirbi su comunidad, esta e bon comun y esey sigur no ta e caso den e Aruba di awe. Aruba no por laga e característica di e ser Rubiano bai perdi. Ban back na nos raiz. Ban hasi loke semper nos a hasi mihor cu tur otro y esey ta di confronta e contratiempo aki cu un forsa di union nacional, segun Mike Eman na final di su exposicion den e programa di Ad Verbrugge. Verbrugge a priminti cu asina e buki di Mike Eman sali, e lo tin e lider di AVP un biaha mas den su programa.

LOSMENTO DI TIIRONAN TA SIGI E BIAHA AKI NA E BUSHALTE CERCA DI AIRPORT



Dialuna anochi a drenta informe di un caso unda a scucha tironan e biaha aki na e bushalte cerca di airport riba caminda grandi, mesora a dirigi

patruyan na e sitio. Na yegada di e patruyan mesora a sera e area y a cuminsa cu un investigacion buscando hulsnan pa saca

afor e caliber pa asina haya mas informacion di e arma usa pa wak si ta e mesun arma usa den otruncaso di tiramento etcetera.



	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

Auto a dal un mucha cu tabata crusando caminda na Sabana Basora



Diaranson atardi a drenta informe di un accidente cu hende herida na Sabana Basora, mesora a dirigi tanto polis como ambulans na e sitio. Na

yegada di e patruya a bin compronde cu un chauffeur di Wit Gele Kruis hibando un hende di edad paciente bek na su cas a lora un birada a mira un

señora na su banda drechi ta hisa man pa haci seña pero e chauffeur no a compronde e seña mientras na e banda robes un mucha a core sali for di cura y ela dal esaki sin a ripara esey prome.

E mucha a ricibi un impacto cu a bente abao y tabata sangrando. Polis a pidi ambulans cu sumo urgencia y polis mester a atende tambe e bisiñanan cu a lanta contra e chauffeur. Polis a haci e test di alcohol y esaki a sali "o" of sea e no tin ni un lek di alcohol den su curpa.



Na yegada di e ambulans a atende e mucha y a trans-

porte cu urgencia pa hospital.

Chauffeur di truck a bay dal tras di auto na Caya Taratata e chauffeur di e auto a resulta herida



Diaranson mainta a drenta informe di un accidente cu hende herida na Caya Taratata, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda e chauffeur di un box truck no a regula su velocidad ni a mantene distancia a bay dal tras di un Nissan Tiida cu tabata su dilanti. E impacto tabata fuerte y e chauffeur di e



Tiida a resulta herida. Na yegada di e ambulans nan

a atende e victima na e sitio mes.

Chauffeur sin rijbewijs involvi den un accidente na rotonde Piedra Plat

Diahuebs mainta a drenta informe di un accidente na rotonde Piedra Plat, mesora a dirigi un patruya na e sitio.

Na yegada di e patruya a bin com-

pronde cu aki ta trata di un accidente unda falta di preferencia ta e causa ademas un chauffeur no tin rijbewijs. Afortunadamente ningun hende a resulta herida.



Chauffeur sospechoso deteni y confisca e auto, pasobra a haya droga aden



Diaranson mainta durante patruya polisnan atento di distrito 2 (Noord) a nota e chauffeur di un Toyota Vitz actua masha sospechoso y a dun'e señal pa para pa control'e.

Durante e control a bin hay'e cu droga den e auto y ora a pidi'e pa e papelnan di auto e no por a mostra esakinan. Polis a avis'e cu e ta deteni y e auto confisca.



Na Tanki Flip un auto a sali dilanti ambulans bayendo cu urgencia pa un otro emergencia



Diahuebs mainta a drenta informe di un accidente entre un auto y un ambulans na Tanki Flip, mesora a dirigi un patruya na e sitio. Na yegada di e

patruya a bin compronde cu aki ta trata di un accidente unda un auto a subi caminda na e T-weg net ora cu ambulans tabata bayendo pa un emergencia y a raspa e ambulans. Como cu e emergencia tabata tin urgencia e ambulans a sigui su rumbo pero a manda un representante na su lugar mientras e caba cu su emergencia e lo regresa. Afortunadamente ningun hende a resulta herida.

TA BENDE

PA MOTIBO DI VIAHE PA EXTERIOR:

1 CAMA GRANDI KING SIZE 205 PA 190 CM
BOX SPRING + COLCHON ORTOPEDICO

PRIJS Alf 600,-

1 FRIGIDAIR GRANDI 2 PORTA (MARCA FRIGIDAIR) TA TRAHA BON BON

PRIJS Alf 400,-

YAMA NA CEL: 566-4800

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

PRONOSTICO DI TEMPO

VALIDO TE DIABIerna 08 DI DECEMBER
2023, 18:00 ORA

TEMPO:

AWE TARDI Y AWE NOCHI: PARCIALMENTE
NUBLA CU UN AWACERO BREVE

DEN MARDUGA Y MAYAN: VARIABLE-
MENTE NUBLA CU UN AWACERO BREVE
POTENCIAL DI AWACERO PA PROXIMO 24
ORA:

1 PA 5 MM; LOCALMENTE ESAKI POR TA
DIFERENTE.

REGISTRACION DI TEMPERATURA (GRADO
CELSIUS) Y
AWACERO (MM) DEN ULTIMO 24 ORA (8'AM
PA 8'AM):

AIRPORT : MAX 31 / MIN 26 / 1.4 MM
WESTPUNT: MAX 31 / MIN 26 / 0.5 MM
STA ROSA: MAX 32 / MIN 26 / 1.0 MM

PRONOSTICO DI TEMPO PA PROXIMO 3
DIANAN:

PARCIALMENTE NUBLA CU UN AWACERO
BREVE.

BIENTO LO TA FOR DI DIRECCION OOST Y
MODERA;

BASTA FUERTE TE POSIBLEMENTE
FUERTE DEN RAFAGA;

TEMPERATURA (GRADO CELSIUS) MAX /
MIN LO TA: 31 / 27

BON COMUN TEMA COMUN CU HALA SCIENTIFICO DI CDA



E Director di e Weten-schappelijk Instituut (WI) renombra di CDA, Pieter Jan Dijkman, a ricibi Eman y delegacion cu hopi entusiasmo na e cas di CDA, na Den Haag, Hulanda. Un deseo comun pa profundisa den e preguntanan grandi rond di desaroyonan complica pa cu e modelonan politico y economico di paisnan occidental ta duna un motibo adicional pa cooperacion entre Aruba y Hulanda y e respectivo halanan scientifico cu ta asesora e partidonan cristian democrata na Aruba y Hulanda. Den un reflexion conhunto durante un reunion entre e delegacon di Aruba y e director hunto cu henter e top-staff di e hala



cu por realinea institutonan politico-gubertmental y economico bek cu e deseo y necesidadnan di pueblo. Eman a splica cu e Bon Comun ta un linea di guia y principio fundamental di partidonan cristian democrata. Tambe Eman a splica, despues di e reunion, cu otro tema cu sigur kier a comparti cu er hala scientifico di CDA ta e solucion di e debe di Aruba cu Hulanda pa medio di un conversion di esaki den un Fondo di Inversion. Pa e motibo aki a envolvi experticio tambe di AIB, cu a maneha e Fondo di Desarojo Aruba (FDA) cu éxito den pasado. “Promer cu a bin Hulanda na November a consulta cu AIB y e vez aki a conta cu asesoria di un experto di e Banco pa por repasa e exitonan cu e Fondo den pasado. Esaki den persona di e experto financiero economico Nerissa Lacle”. ExPromer Minister y lider di fraccion di AVP, mr. Mike Eman ta na Hulanda ariba invitacion di organisadornan di Interexpo, pa asina duna un lectura tocante e vision pa institui un Economische Sociaal Plan Bureau pa Aruba y alabes comparti su vision riba e

relacionnan den Reino Hulandes. Den cuadro aki mr. Mike Eman a worde asesora pa consehero di fraccion, Wendrick Cicilia y experto financiero economico Nerissa Lacle. Wetenschappelijk Instituut CDA Hala científico di CDA ta formula pensamiento y estudionan ariba maneho abase di e pensamiento cristian democrata. E hala científico di CDA ta sostene y conseha e politico nan di partido CDA ariba tema nan politico profundo cu ta bida den nan comunidad. Regularmente e hala científico di CDA ta saca publicacionan inspirativo pa inspira nan propio miembro nan pero tambe comunidad. E instituut ta enfoca den duna un contribucion positivo na e pensamiento cristian democrata, politica y comunidad. E concepto di Bon Comun Demas miembro di bestuur di WI di CDA, Gerard Adelaar, Marc Janssens, Adre Poortman y Arjen Siegman tambe a uni nan mes pa e reunion cu Eman y su delegacio. A explora e pensamiento pa asina duna contenido na e concepto di Bon Comun como guia pa maneho. E partidonan cristian democrata di Hulanda y Aruba ta comparti e mesun principio nan politico y liña di pensamiento politico. E hala científico di CDA a keda hopi impresiona cu e esfuerso di su hermano partido di Aruba pa asina duna contenido na e concepto di Bon Comun pa Aruba. mr. Mike Eman a splica tambe e necesidad pa institui un

Economische Sociaal Plan Bureau pa Aruba. Na e momento aki no tin atencion pa e storia nan tras di cifranan. E focus exclusivamente ariba e cifra nan presupuestario ta hasi cu ta negligisha e atencion pa e realidad social economico di Aruba. Tambe mr. Mike Eman a elabora profundamente ariba un proposicion alternativo pa asina transforma e pago di debe di corona den un fondo di inversion pa financia desaroyo di Aruba. Acuerdo di cooperacion entre fundacionnan

Durante e reunion a acorda cu e Wetenschappelijk Instituut di CDA cu fundacion Mito Croes lo copera activamente cu otro pa entercambia conocimiento y expertisio. Den e contexto politico actual desaroya pensamiento nan nobo, ideanan y vision centra ariba mehora e calidad di nos comunidad ta necesario. “The Common Good” pa re establece un Gobierno cu ta funciona pa cada un cu ta forma partido di nos comunidad, lo ta un tema central di colebacion entre e hala científiconan y lo hunga un rol importante.


FOR SALE

FOR SALE	
Steel porch set local art uniek (or best offer)	850.00
Cuadra grandi 60x40 x 4" deep with lights&sound or best offer	250.00
Rekki plastic	150.00
Desk and office chair set	550.00
4 drawer steel file cabinet	450.00
3 blue plastic 55 gln drums with handles	90.00
Xmas tree plastic stands 2x 35.00 each	35.00
Airco aluminum bracket new	50.00
Small table on wheels	100.00
For more info 5972155	

FOR SALE	
Heavy duty ampere meter	125
Werner Aluminum extension large ladder	150
wheelbarrow (garetia)	50
Handtruck	50
Jigsaw	50
Steel workbench with vise	500
2 circular saw 7 1/4 2x 50.00 each	100
For more info 5972155	

FOR SALE	
Toshiba dvd recorder player like new plus collection dvd,s as per inventory list	offer
TEAC cassette player	100
Sima Color corrector (enhancer)	150
Akai reel to reel with reels	250
LG DVD/CD duplicator	250
Minolta Super 8 sound projector with 23 films	300
Spanish guitar plus books	100
Small tshirt heatpress printing machine new	250
Polaroid one 500 model	75
Canon printer calculator	25
For more info 5972155	

Homber cu a bay coy material riba un sitio di construccion den oranan di anochi a ser deteni



Diaranson anochi a drenta informe di cu un bisiña a nota un pick-up drenta un tereno na Sero Pita (Baranca) unda tin trabaonan

di construccion y tabata cogiendo material y ela bay atende cu e persona y e pick-up a ranca bay. E bisiña a ranca bay su tras y

a logra par'e banda di Sero Pita Minimarket unda eyan a yama polis pero ademá a surgi un intercambio di palabranan fuerte y hasta menasa a cay. Na yegada di polis a yama e doño kende no a duna e persona ey permiso pa bay cu nada for di su tereno. Ela yama e contratista cu a bis'e cu den oranan di dia un hende a pasa puntr'e si e por bay cu e materialnan cu tin pa benta afo y a bis'e cu si.

E hende ey a bis'e cu e ta bay bolbe. Polis a bisa e sospechoso cu e ta deteni pa a bay cu materialnan sin permiso di e doño y polis a musta e doño su derechonan y caminda pa cana.



Parlamentario independiente mr. Gerlien Croes:

A denuncia na gobernador otro violacion di nos constitucion

Diaranson merdia Parlamentario Croes a entrega un carta na Su Excelencia Gobernador Alfonso Boekhoudt caminda ta denuncia e ocasion mas reciente den cual Gabinete Wever-Croes II ta viola e reglanan di precesonan di ley ancla den nos constitucion. Parlamentario independiente mr. drs. Ryçond Santos do Nascimento a compañía Croes ya cu e tambe ta para tras di e mesun un ponencia y ta co-firmante di e documento. Mientras e siman aki go-

bierno ta activo politicamente celebrando integridad, di otro banda ta demonstra un falta fragante di respet pa Parlamento di Aruba y nos constitucion, segun Croes. Den e miho estilo di Cha Tiger, y haciendo uzo di mayoria den coalicion y presidencia di Parlamento, partidonan MEP y RAIZ e siman aki a manda un bundel di ley relaciona cu entre otro cambio di presupuesto di DOW pa 2023, sin cu a laga tur e leynan aki

pasa na Raad van Advies pa su evaluacion y consejo.

Den e bundel presenta tin e Presupuesto Supletorio di Pais Aruba, e Presupuesto di Parlamento di Aruba

y un cambio riba presupuesto di Departamento di Obran Publico (DOW). Ta den e ultimo aki, a core hincá un suma na ultimo ora, sin cu el a cana e procedura legal manera cu si nan a laga hasi cu e otro dos leynan menciona.

Mas especificamente, ta trata di un cambio den e



presupuesto di 2023 pa DOW caminda ta bin cu 1.2

miyon florin adicional pa atende asunto di insinera- do na Parkietenbos y man- tencion di speelplaatsen.

Ley ta prescribi cu un pro- ceso di cambio di ley asina mester inclui consejo di Raad van Advies, esey no a

sosode. Segun Parlamen- tario Croes, esaki ta e me-

sun modus operandi cu Gabinete Wever-Croes

Clasificados

SOLODIPUEBLO@GMAIL.COM
CEL.585 9500

SOLO

Wega di domino y bebemento bao palo a caba na bringamento



Diamars anochi a drenta informe di un bringamento na Santa Cruz. Mesora

a dirigi un patruxa na e sitio. Na yegada di e patruxa a bin compronde cu

algun amigo tabata hunga domino y bebe manera tur anochi nan sa haci pero 3 di nan na dado momento lo a bringa cu otro. Y un lo tabata tira abao. Polis a yuda un lanta un di e homber nan y hib'e cas. Un di e otro amigo a haya lift y esun mes cu lo a cuminsa bringa lo a bandona sitio. Polis a bai na e cas di esun cu a cuminsa e bringamento y a papia cu ne. Polis a tuma datos di e susedido aki.



Chauffeur sin rijbewijs involvi den un accidente na Italiëstraat



Diamars madruga a drenta informe di un accidente na Italiëstraat, mesora a dirigi un patruxa na e sitio. Na yegada di e patruxa a bin compronde cu aki ta trata di un accidente unda cu un Kia Sportage a bay dilanti bira na man robes pa bay reverse pa

parkeer pa por sali dilanti pero su tras tabata bini un Suzuki Swift cu no a capta e intencion y a bay dal riba e Sportage. Afortunadamente ningun hende a resulta herida. Polis a bay na e accidente aki pasobra un chauffeur no por a demostra cu e tin rijbewijs.

Falta di preferencia na e rotonde banda di R.C.A. a ocasiona un accidente cu hende herida



Diamars merdia a drenta informe di un accidente cu hende herida na e rotonde banda di Clubhuis di R.C.A., mesora a dirigi tanto polis como ambulans na e sitio. Na yegada di e patruxa a bin compro-

nde cu aki ta trata di un accidente pa falta di preferencia unda den e imoacto fuerte un persona a resulta herida. Na yegada di e ambulans nan a atende e victima na e sitio mes.

ARUBA TA REINTRODUCI E SORTO PROTEGI PA LEY BESCHERMING INHEEMSE FLORA EN FAUNA DESDE 2017, AMAZONA BARBADENSIS, E LORA

Hopi di nos Arubianonan tin bunita recuerdo di e lora. E sorto aki Amazona barbadensis tawata existi den nos ecosistema prome cu añanan 50 pero lastimamente esakinan a disparce.

Recientemente nos por a wak bunita potretnan di Prinses Beatrix di Hulanda, bishitando Fundacion Parke Nacional Aruba (FPNA) pa wak e loranan. E loranan cu ta den e proyecto bou direccion di FPNA hunto cu diferente partnernan local, regional y internacional pa salba y reintroduci e sorto den nos ecosistema. Directie Natuur en Milieu (DNM) ta apoya e programa aki di conservacion desde su inicio, y desde cu a establece e ley bescherming inheemse flora en fauna na 2017. DNM a percura pa e sorto aki keda den e ley aunke e tempo ey caba e lora no tawata den nos ecosistema mas. Pero cu e pensamiento cu un dia e lora lo por bin bek den nos naturalesa a mantene riba e lista di proteccion.

E lista di sortonan protegi pa e ley aki ta estableci a base di e acuerdo di e ‘Convention on International Trade in Endangered Species of Wild Fauna and Flora (CITES)’ y e ‘Specially Protected Areas and Wildlife Protocol (SPAW)’. Na Aruba, Veterinaire Dienst ta e organo apunta pa ta e CITES-autoridad pa fauna y pa flora ta Santarosa. DNM hunto cu e departamentonan aki a logra compila un lista di e sortonan pa ta protegi pa e ley na 2017. Asina DNM a conseha DWJZ pa mantene e lora protegi riba e lista di e landsbesluit (LB) bescherming inheemse flora en fauna. E ley aki tawata basa riba e LB di e articulo 4, prome y di dos artíkel y 26 prome insigne(lid) di e Natuurbeschermingsverordening (AB 1995 no.2).

Na otro banda tin e organisacion IUCN Red list di sortonan bou menasa, IUCN ta e instancia internacional cu ta analisa e data di sortonan pa asina conseha riba nan status di existencia. Por ehempel si e cantidad ta baha drasticamente y den casonan declara cu e sortonan a stop di

existi. IUCN actualmente ta clasifica e sorto Amazona barbadensis, tambe conoci pa Yellow Shouldered Amazon, como Critically Endangered (CR). Esaki kermen cu e sorto aki ta den fase extremo y ta na riesgo halto di stop di existi den naturalesa y p’esey mester di proteccion. IUCN a analisa e sorto aki na 1988 y e tempo ey a clasific’e Vulnerabel (VU). Desde e tempo ey e sorto su poblacion a baha drasticamente y rapido. Y e sorto a clasifica pa Endangered (EN) na 2000. Y na 2020, IUCN a clasifica e sorto aki pa Critically Endangered (CR) pavia cu e la keda baha den cantidad y awor ta un grupo chikito so a keda.

Rond aña 1948-50 ta bisa cu e lora a despase caba for di naturalesa, dus pafo den wild. E rasonnan principal ta cu hende tawata pensa cu nan ta come cosecha y ta stroba agricultura, y a scoje pa matanan. Tambe hende a gara esakinan y a hincanan den haula na cas, otronan a gara nan y haci contrabanda/traficacion di e parhanan pa otro pais como mascota. Asina e poblacion a keda desminui y nan no por a reproduci mas. Adicionalmente tin strobamento den e crecimiento di cantidad di lora pa via di e aumento di sortonan invasivo y otro sortonan cu ta come lora of nan yiunan. Esaki ta inclui pushi, boa, djaka tambe raton. Na Aruba FPNA ta e fundacion encarga cu e proyecto di reintroduccion y conservacion di e lora den nos naturalesa.

E lora tin un balor importante den nos ecosistema. Nan ta beneficia e ecosistema y ta yuda expande e biodiversidad pa medio di distribui simia di matanan. P’esey hopi sorto di mata tambe a bin ta desaparece na Aruba. FPNA su mision cu e proyecto di reintroduccion y conserva e lora ta pa establece un poblacion di lora stabil cu ta sostene su mes.


Parhanan manera e lora y e pri-kichi, nan existencia ta bou menasa mundialmente manera IUCN ta indica. Pa reintroduci un parha

den un ecosistema no lo ta un trabou facil pero FPNA ta conta cu e sosten di e comunidad completo pa apoya e proyecto aki. Cu un apoyo ta bin necesidad di comprension di nos tur, cu e lora no ta un bestia pa tin den un haula. Hunto cu e cambio di mentalidad, organisacionnan y fundacionnan ta enfoca ariba e parti di conscientisacion y educacion di e publico pa cu e necesidad di e parhanan aki. Ta importante pa conserva e lora asina nos no bolbe perdenan for di nos ecosistema como parti di e biodiversidad.











Mas bunita cu cera e lora den un haula pa bo so disfruta, ta pa lag’e den libertad, yudando cu su conservacion, evitando invasivonan y combati traficacion ilegal, y asina futuro generacion por tin e lora pa nan tambe conoce. DNM ta comparti algun palabra di nos directeur ora cu a puntr’e pa e skirbi su experiencia ora e la wak e lora na e localidad secreto den Parke Nacional Arikok y tambe cu bishita di Prinses Beatrix na e loranan. “Un prinses den un haula di speransa: Den luna di flor Prinses Beatrix a trece un bishita na e loranan. Cu atencion pa e loranan diferente organisacion y hende



cu a yuda pa e loranan haya un chens. Tres lora a muri na principio door di e mal estado cu nan tawata aden, un a huy y bintiocho a sobrebibi. Prinses Beatrix a bin haya un grupo di hende ta sconde pa solo y ta conta nan storia. Cu entusiasmo Prinses Beatrix a parti cuminda na e loranan. Un prinses den un haula di speransa. Compañia door di minister cu un smile grandi. Visibel cu prinses, minister, bishitantenan, prensa y cuidadonan a bria. Un dia pronto loranan lo ta liber den nos naturalesa. Un haula sin prinses, y sin lora ta keda pa pasado. Protegi pa ley y conducta di hende.” Danki na tur e instancianan envolvi pa cu conservacion y proteccion di e loranan Amazona barbadensis, the Yellow shouldered amazon. Aki por wak e sorto di lora cu ta wardando pa su libertad pronto.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 07 Dec 2023 Merdia

<div><p>Sorteo # 4117</p><p>2499</p><p>6116</p><p>9883</p><p>X2</p><p><p>Sorteo # 4117</p><p>8280</p><p><p>Sorteo # 2173</p><p>2741</p><p><p>Sorteo # 4117</p><p>5155</p><p>Leo</p><p><p>Sorteo # 991</p><p>000</p><p>X3</p></p></p></p></p></div>	<div><p>Sorteo #</p><p>0x Jackpot</p><p>0x Match 4+</p><p>0x Match 4</p><p>0x Afl. 12,00</p></div> <div><p>Joker Letter</p><p>Proximo Jackpot</p><p>170.000,-</p></div>	<div><p>Sorteo #</p><p>0x Jackpot</p><p>0x match 4</p><p>0x Afl. 8,00</p></div> <div><p>Proximo Jackpot</p><p>51.000,-</p></div>	<div><p>Sorteo #</p><p>0x Jackpot</p><p>0x match 4</p><p>0x Afl. 500,00</p><p>0x Afl. 50,00</p><p>0x Afl. 15,00</p></div> <div><p>Mega Ball</p><p>Proximo Jackpot</p><p>270.000,-</p></div>	<div><p>Afl. 370.000,-</p></div> <div><p>Cachi Cachi</p><p>Sorteo #</p></div> <div></div>
---	--	---	--	---